



2022/SUBCC/000009

ASUNTO: APROBACIÓN BASES E CONVOCATORIA DE PREMIOS DO CONCURSO DE MAIOS 2022

RESOLUCIÓN

I. ANTECEDENTES

1. Pola Concelleira de Delegada de Patrimonio Municipal e Festas, se ordena iniciar o expediente que estableza unhas bases e convocatoria de premios aos maíos participantes na Festa dos maíos 2022 que poidan ser de interese para a cidadanía de Pontevedra.

O Concello de Pontevedra establece esta convocatoria de premios co fin de preservar o patrimonio cultural e fomentar o interese polas actividades culturais e festivas tradicionais do municipio.

2.- Incorporanse ao expediente as bases da convocatoria de premios así como o informe do xefe de servizo.

3.- Remitido o expediente á Intervención Xeral Municipal, fiscalízase o expediente de conformidade, indicando o dito órgano que procede que continúe a súa tramitación, se ben coas observacións que constan no seu pronunciamento. Así mesmo, informa que segundo o establecido no art.11 da OXS é competencia da Alcaldía a aprobación das bases e resolución do procedemento, así como a concesión e o recoñecemento da obriga, competencia delegada no concelleiro de Economía e Facenda, segundo resolución da alcaldía de 15/06/2019(modificada pola de 24/06/2019). O gasto poderá ser contabilizado con cargo á aplicación 2022-09-3383-48100 operación 202200024766, por importe de 6.250,00 €.

II. CONSIDERACIÓNS XURÍDICAS:

1.- O artigo 294 da Lei 5/1997, do 22 de xullo, de administración local de Galicia (LALG) no mesmo sentido que o artigo 23.1 do antigo Regulamento de Servizos das Corporacións Locais, Decreto de 17 de xuño de 1955 (RSCL), determina que poderán conceder subvencións e axudas de contido económico a entidades, organismos ou particulares cuxos servizos ou actividades complementen ou suplan aos atribuídos á competencia local.

2.- Os artigos 25.1 da Lei 7/1985, de 2 de abril, reguladora das bases de réxime local e 80.2 da Lei 5/1997, do 22 de xullo, de administración local de Galicia establecen que o municipio para a xestión dos seus intereses e no ámbito das súas competencias, pode promover toda clase de actividades e prestar cantos servizos públicos contribúan a satisfacer as necesidades e aspiracións da comunidade veciñal, nos termos da lexislación do Estado e das Comunidades Autónomas, entre outras, nas materias de promoción da cultura e na de ocupación do tempo libre.





3.- Ao abeiro do establecido no artigo 3 da citada Ordenanza, son subvencións as disposicións dinerarias realizadas polo Concello para o desenvolvemento de proxectos, accións ou condutas que teñan por obxecto o fomento dunha actividade de titularidade pública ou interese social ou de promoción dunha finalidade pública, sempre que cumpran os requisitos previstos no citado precepto.

4.- De conformidade co artigo 38 da Ordenanza xeral reguladora das subvencións (Título V. Bolsas ou premios), aprobada polo Pleno da Corporación o 17 de setembro de 2004 (BOP nº190 do 30/09/04), o réxime especial aplicable ao outorgamento de premios educativos, culturais, científicos ou de calquera outra natureza deberán axustarse ao contido desta ordenanza, agás naqueles aspectos nos que, pola especial natureza das subvencións, non resulte aplicable.

5.- O artigo 30.7 da LXS establece que as subvencións que se concedan en atención á concorrencia dunha determinada situación no perceptor non requirirán outra xustificación que a acreditación, por calquera medio admisible en dereito, de dita situación previamente á concesión. No caso dos premios, e salvo que as bases reguladoras establezan outra cousa a xustificación consistirá na acreditación do feito de resultar gañador segundo se estableza na convocatoria.

6.- Segundo o artigo 11 da Ordenanza xeral de subvencións, a competencia para a concesión de subvencións en concorrencia competitiva cando o importe da convocatoria non exceda de 12.020,24 euros correspóndelle á Alcaldía.

7.- Polo Servizo de Cultura elaboráronse as bases reguladoras da concesión destas axudas, axustadas á normativa local vixente neste eido, en concreto a Ordenanza xeral reguladora da concesión de subvencións do Concello de Pontevedra e os seus organismos autónomos, á que prestou aprobación definitiva o Pleno da Corporación na sesión que tivo lugar o 17 de setembro de 2004. O extracto da convocatoria será comunicada ao BOP pola Base de Datos Nacional de Subvencións nos termos e cos requisitos establecidos no art.20 da Lei 38/2003, xeral de subvencións.

Deseñáronse criterios de baremación en aras de conseguir unha avaliación obxectiva e equitativa, considerando que as bases elaboradas reúnen os criterios técnicos para ser aprobadas.

7.- Aos premios destinarse un importe máximo de 6.250 €, correspondente á aplicación orzamentaria 09.3383.48100 do orzamento de gastos para o exercicio 2022. O libramento desta cantidade farase por medio da expedición da procedente orde de pago a xustificar, tal e como establece o art. 190 do TRLRFL, o artigo 69.1 do Real decreto 500/1990 e a base 63ª das de execución do orzamento para o ano 2022, previa fiscalización da Intervención Xeral.

En base ao exposto, esta Concellería no exercicio das súas atribucións, RESOLVE:

Primeiro.- Aprobar as bases e a convocatoria e pública dos premios do concurso de Maíos 2022 do Concello de Pontevedra contidas no documento co CSV 3CPZYMNNI2NDL6ZI.





Segundo.- Autorizar e aprobar o gasto por importe de 6.250 € con cargo á aplicación orzamentaria 2022-09-3383-48100 operación 202200024766, por importe de 6.250,00 €.

Así se dispón e ordena polo Sr. Concelleiro de Economía e Facenda en Pontevedra, na data que figura na sinatura electrónica, do que o secretario da Administración Municipal dá fe.

